

Լ. Ա. ԱՍՄԱՐՅԱՆ, Հայ գրական բնագիտությունը XIX դարի 70—80-ական թվականներին, ՉՍՄՀ ԳԱ հրատարակչություն, Երևան, 1979, 349 էջ:

XIX դարի հայ դրաթնագիտության պատմության հարցերը հետաքրքրել են ոչ թիշ թվով գրականագետների ու պատմաբանների, այդ թվում անդրադարձել են Լեոն, Ա. Չապանյանը, Ա. Հովհաննիսյանը, Ա. Տերտերյանը, Ա. Կարինյանը, Վ. Ռշտունին, Մ. Ներսիսյանը, Գ. Ստեփանյանը, Ս. Սարինյանը և ուրիշներ: Նրանք, սակայն, թիշ են խոսել քննադատության դատմական նշանակության, ինչպես նաև առանձին քննադատների խազացած դերի մասին ընդհանուր շղթայում: Իրողություն է, որ 70—80-ական թվականների տեսական միտքն ամփոփող ամբողջական աշխատություն մինչ այժմ չի գրվել: Իրականագետ Լ. Ասմարյանը առաջինն է, որ ձեռնամուխ է եղել նման աշխատության ստեղծման շնորհակալ գործին: Հենվելով իր նախորդների հետազոտական փորձի վրա, նա հիմնովին ուսումնասիրել է 70—80-ական թվականների հայ գրաթնագիտությունը և հանդես եկել մի ծավալուն մենագրությամբ, որը հագեցված է հարուստ փաստերով և թարմ եզրահանգումներով:

Իր թիշ սկզբում հակիրճ քննադրվում են XIX դ. հայ քննադատական միտքը, նրա անցած երեք փուլերը, սերտ աղերսներ ստեղծվում դրանց միջև, որովհետև է գրական հրապարակախոսության խազացած գերը գրականության զարգացման մեջ, նշվում առանձնահատկություններն ու միտումները, համոզիչ է դարձվում այն միտքը, որ 70—80-ական թվականների հայ քննադատությունը Նախորդի (1800—1869) համեմատությամբ զգալիորեն հասունացել ու բյուրեղացել էր: Շարունակելով առաջին փուլի ավանդույթները, քննադատությունն այս շրջանում ալթի ընկավ մի շարք առանձնահատուկ գծերով: Ստեղծվել էր քննադատների մի նոր սերունդ, որի շարքերում էին Իր. Արծրունին, Բաճճին, Հ. Պարոնյանը, Մ. Մամուրյանը, Ն. Տեմիրճիպալյանը, Ա. Արիիարյանը, Շիրվանզադեն, Ստ. Պալասանյանը, Լեոն, Մ. Արեղյանը և ուրիշներ: Նրանք ավելի հանգամանորեն էին անդրադառնում գրականության ու կյանքի փոխհարաբերության, նրա հասարակական դերի ու նշանակության հարցերին, մեծապես նենվում էին գիտական զանազան դեցիպլիններին, գիտության նվաճումներին վրա վերացնելով գիտության և գրականության սահմանները: Դրա հետ մեկտեղ քննվում էին նաև գրականության զեղարվեստական յուրահատկության պրոբլեմները (լեզու, ոճ, թեմա, մեթոդ, կառուցվածք), տեղ էր հատկացվում գրականագիտական-տեսական հարցերին: Ժամանակի մամուլի («Մշակ», «Փորձ», «Արձագանք», «Մուրճ», «Մասիս», «Սեղո» Հայաստան», «Արեւելյան մամուլ» և այլն) էներում լույս էին տեսնում ընդանրացնող նյութեր, որոնք մատուցվում էին ժանրային տարբեր ձևերով ու միջոցներով: Զգացվում էր միտում՝ արձագանքելու ժամանակի հրատապ հուզող հարցերին, գրաթնագիտությունը ստանում էր հրապարակախոսական, քննադատական, մեղակցող քննադատական, արձագանքում լուսավորական, ազգային-ազատագրական շարժմանը, նպաստում առաջավոր զաղափարների պրոպագանդմանը: Մյուս կողմից, ինչպես նկատված է գրքում, գրական քննադատությունն այդ շրջանում ոչ այնքան զեղադրական, որքան բարոյագիտական հարցեր էր շոշափում: Դա, անշուշտ, նախորդ՝ 50—60-ական թվականների ավանդույթն էր՝ թվարկված գրականության մեջ քաղաքացիական ոգու ամրապնդման ցանկությամբ ու պահանջով, լայնանում ու ընդարձակվում էր քննադատության հետազոտական շրջանակը, ավելի ու ավելի էր մեծանում հետաքրքրությունը ուսական առաջավոր մտքի նկատմամբ, հայ մտավորականները ոգեշնչվում էին Վ. Ինլինսկու, Ա. Գերցենի, Ն. Զերինսկու, Ա. Դոբրոլյուբովի, Դ. Պիսարևի աշխատություններով: Հայ քննադատությունը, սակայն, չէր կրկնում նրանց, այլ ընթանում էր ազգային ինքնություն ճանապարհով, և դա նրա գիտավոր արժանիքն էր:

Դրախոսվող աշխատության մեջ ցույց է տրված, որ 70—80-ական թվականների գրաթնագիտությունը զաղափարապես միատարր չէր. հասարակական կյանքի բուռն ազդեցու-

Քյամբ Կրկան էին գալիս տարբեր հոսանքների ու խմբակցությունների հակամարտությունները, միմյանց հետ ներքին հակասությունների մեջ էին ղեմավարտները, լիբերալները և պահպանողականները, Այդ ամենը, անշուշտ, ինչպես նշում է հեղինակը, իր կեղծ էր գետն գաղաղմանի ոգը՝ գրական զարգացման վրա:

Մենագրության մեջ բնագրական գլուխներ են հատկացված «Արեւելյան մամուլին», «Մեղու Հայաստանին», «Մշակին» ծավալած գրաքննադատությանը: Հատ ամենադիմի գեղատեսիլ է Գր. Արծրունու, Բաֆֆու, Մ. Մամուրյանի, Ստ. Պալասանյանի գրական մատենագրությունը, նրանց խաղացած դերը գրականության զարգացման ասպարեզում:

Գր. Արծրունին և «Մշակը» գրական հարցերը բխեցնում էին հասարակական բուն կյանքից, այստեղից էլ նրանց մտքերը կյանքը ոճով արտացոլելու, երկի շիմքում հասարակական բովանդակություն դնելու վերաբերյալ: Գր. Արծրունին գտնում էր, որ հավասարապես պետք է օգտվել ուսուցիչի և ուսանողի հնարաններից. նա խրախուսում էր ժամանակակից թեմայով գրողներին ու դրամատուրգներին (Գ. Սունդուկյան, Ն. Փուշկինյան, Մ. Պատկանյան, Մ. Տեր-Պրեգորյան), հստակ պատասխան տալիս գրականագիտական մի շարք հարցերի, Որինակ, Գր. Արծրունին տիպը սահմանել է այսպես. «Տիպը գեղարվեստական գրվածքի մեջ անվանվում է մի այնպիսի քննվորություն, որ անհատական անձնավորություն լինելով, մի հայտնի հասարակության մեջ հաճախ պատահող, ժամանակակից կյանքի ծնունդ համարվող, բազմաթիվ անձնավորություններից վերցրած հավարական մի քննվորություն է»: Ինչպես իրավացիորեն նշում է աշխատության հեղինակը, Գր. Արծրունին իր գրական հրապարակախոսությունը ձգտում էր մաքրել հայ իրականությունը հնություններից (էջ 108), եվրոպական և ուսուցողականություն փորձը օգտագործում էր երիտասարդության մեջ նոր ճաշակ պատվաստելու, հայ գրականությունը բարձրացնելու համաշխարհային մակարդակի:

Բաֆֆին իր գործունեությունը սկսել է որպես լուսավորիչ, ապա դարձել է ազատագրական շարժումների երգիչ: Ղեմավարտական գաղափարների պաշտպան, արձագանքել զարի գլխավոր իրադարձություններին: Գրքում նա ներկայացված է իբրև հասարակախոսական ակտիվ արվեստի, իրականության արտացոլման ներգործուն ձևերի ջատագով: Գրականագետը ըստ արժանիքի է գնահատում Բաֆֆու հողմածները, որոնք հարստացրին հայ գեղագիտական միտքը: Հատկապես արժեքավոր են Բաֆֆու հայացքները վնասների ու պատմականների մասին, որոնք ժողովրդական կյանքի արտացոլումներ են և ազգերի բարոյական ու իմացական կյանքի պատմագրություններ: Գրականությունը դիտելով որպես կյանքի համակողմանի հայելի, նա ինչպիսի էր գետն մեղկանելի կյանքի տեղը կողմերը՝ հասարակական դատաստանին ներկայացնելու ակնկալությամբ, նպաստել մաքրելու կյանքը՝ «բարոյական և մտավոր ծանրի վերացմամբ հասնել իրականության բարձրմանը» (էջ 132):

Պարոնյանի մասին խոսելիս հեղինակը մեծ երգիծաբանին բնութագրել է իբրև քաղաքի նուրբ մի գրաքննադատի, որը մարտնչել է ուսուցիչական գրականության համար: Դրա տարբեր նախապայտարասներ, 80-ականների սերնդի երևան գալը, նա երազել է մեծ պոեզիայի մասին՝ դժգոհել ժամանակի ուսանողական անկյանը պոեզիայից (Խ. Մխարյան, Տ. Սեֆյան), արվածային և ուսանողական վնասներից (Ս. Տյուսար), որոնք ձևի և բովանդակության ներդաշնակություն, թատրոնը դիտել իբրև բարոյականության զարգացող, պաշտպանել առաջադիմական գրականության մեջ, Դեկտիվ բնականության պահանջ, 2. Պարոնյանը, ինչպես ժամանակին գրել է Ա. Տերտրյանը, գրողներին սովորեցնում էր «տալ ոչ թե սոսկ փաստը, այլ փաստի բանաստեղծությունը, այսինքն՝ հանգես է բերել ընդհանրացնելու մեծ ուժ, փաստի մեջ սոցիալական օրինաչափությունը ցույց տալու փիլիսոփայական խորամտությունը»:

Քննվող ժամանակաշրջանում մամուլի մյուս օրգաններում («Գործ», «Փորձ», «Արձագանք» և այլն) բարձրացվում էին նոր գրականության զարգացման, գրական մեթոդների փոխադարձ կապի, ժողովրդայնության, ազատագրական պայքարի, հայրենի երկիրը ճանաչելու, արևմտա-այլ և արևելահայ հատվածների միավորման և այլ հարցեր: «Գործ» քննադատությունը հետևում էր ժողովրդի ծառայող գրականության ստեղծման նպատակին՝ գրականությունը դիտելով կյանքի հայելի, «Փորձ» աշխատակիցները ընդգծում էին ժողովրդական բանաստեղծության փանծերը օգտագործելու հույժ կարևորությունը: Քննադատ և պատմաբան

¹ «Մշակ», 1887, № 133:

² Ա. Տերտրյան, Հայ կյանքի, Երևան, 1944, էջ 303:

Օտ. Պալասանյանը գրում էր գրականության և քննադատության կապի, իրիսադարձ շփումների, գրական ազդեցությունների ժողհարաբերության մասին, նոր կողմերով նարստացնում առանտիզմի և իդեալականի բմբոսները:

Հայ գրականության դարգացման մեջ առանձնապես կարևոր ազանդ ներդրեց ՅՕ-ական իվականների գրաքննադատությունը, որ մի նոր, նշանակալից երևույթ էր. ինչպես ցույց է տրված գրախառնող աշխատության մեջ, այդ շրջանում գնալով ալվելի ու ալվելի էր խորացվում գրական նարցների քննությունը, նարստացվում գրանց վերաբերյալ ժամանակի բմբոսումները: Այս իմաստով համակողմանի բնութագրված են Ա.Մ. Արփիարյանի քննադատական աշխատությունները, արժեքավորված է նրա պայքարը ռեալիստական գրականության տեղեղման ու ամրապնդման, ժողովրդայնության գաղափարների արմատավորման ուղղությամբ: Ա. Արփիարյանն առաջինը բողոսեց հայ ռեալիստական արձակի երեսն գալը Շիրվանզադեի, Ջոհրայի, Կամարականի երկերում, գրանց դիտելով ռարտի հետ խոսող մեծ ազգայնի վիպաաանություն (էջ 266): Ա. Արփիարյանի հրապարակախոսական ողղվաններում խորիմաստ կարծիքներ կան գրողի աշխատանքի, կյանքը մանաշնու կարողության վերաբերյալ, Գրողը, նկատել է Ա. Արփիարյանը, պետք է լավ մանաշն կյանքը, իմանա մարդկային արտի գաղտնիքները, նա պետք է գրականությունը դուրս բերի անձուկ վիճակից, տանի ռնդարձակ մայրուղի:

Շիրվանզադեի քննադատական գործունեության մասին խոսելիս, է. Ամարյանը բերում է նրա կարծիքները գրականության մեջ մշմարտացիության, հոգեքանական համոզության, սոցիալական և գաղափարական բովանդակության խորացման անհրաժեշտության վերաբերյալ: Գրքում պատշաճորեն է ներկայացված Մ. Արեղյանի գրական քննադատությունը, Գրականագետը ընդգծում է այն փաստը, որ Մ. Արեղյանն առաջինն էր, որ իր ողղածներում բարձր գնանտեց ժողովրդական կյանքն արտացոլելու Հովանեսն Բուժանյանի նախախորությունը և նրան խորությամբ տվեց միշտ հարազատ մնալ ժողովրդական կյանքին, աշխատել այն ներկայացնել իր ողջ մշմարտացիությամբ:

Է. Ամարյանի սույն մենագրությունը գրված է դարաշրջանի հասարակական-գրական շարժման իմացությամբ: Նրանում օգտագործված փաստերի զգալի մասը գրականագետի ցանքերի, անիոնջ պրոգրամների արգասիքն է: 70—80-ական թվականների գրականության հարցերի վերաբերյալ հեղինակի եզրակացությունները հիմնականում անտարակկի են: Գրքում գլխավորն այն է, որ գրական քննադատությունը չի կտրվում գրականության ընդհանուր գարգացումից այլ, քննվում է հայ գրականության ընդհանուր ֆոնի վրա և քնական կապերի, փոխադարձ ներգործության մեջ: Հայ քննադատությունը, ինչպես ցույց է տրված գրքում լիցքավորված ժամանակի առաջավոր գաղափարներով, ակտիվորեն ներգործում էր գրական պրոցեսի վրա, տեղորում բարձր իդեալներով, ազատագրական պայքարի երազանքներով, Այդ շրջանի գրական քննադատությունը, գրականագետի պատկերավոր արտահայտությամբ, խաղաց հոգատար պարտիզպանի դեր, որը սկոչված էր հեռացնելու վնասակար մոլախոտերը և բոտ պատշաճին պահելու գրականության պատիվը, ապանովելու նրա ծաղկումը (էջ 348):

Անշուշտ, գրքում ոչ բոլոր պրոբլեմներն են քննված անհրաժեշտ խորությամբ: Դա հատկապես վերաբերյալում է արևելահայ գրաքննադատության և թատրոնի նարցների (գլուխ 8) լուսարանները: Ասեք նաև, որ առանձին մասերում նկատվում է վերլուծության պակաս, նկարագրականություն: Տեղը դարձի գործունեությունը, Կ. Տյուրյանի, Յ. Տեմիրճիպաշյանի հայաքերնրին տրված գնանտականները տեղ-տեղ առարկության տեղիք են տալիս: Կարելի է նշել նաև այլ թերություններ, բայց դրանք մասնակի բնույթ են կրում:

«Հայ գրական քննադատությունը XIX դարի 70—80-ական թվականներին» աշխատությունը արժեքալոր ներդրում է հայ գրական քննադատական մտքի հեռագրաման ոլտումության մեջ և անշուշտ կնպաստի նրա աղկ և մյուս փուլերի հեռագա առավել խոր հեռագրոտմանը:

ԱՐԽՐՈՒՆ ԲԱՆԿԱՆՈՒՅԱՆ,

Բանասիրական դիտությունների ինկեանտ: